

度

支

奏

議

度支奏議目錄

雲南司九卷

覆僭運漕糧雨中有無濕損疏

題漕糧永折災折疏

題覆誤漕違限官員分別議處疏

覆漕院恭報崇禎二年漕折全完疏

覆大通橋糧倉遇夜微有濕損疏

題覆龔漕院查叅漕折拖欠疏

覆津門凍糧道廳漫不綜稽疏

覆刑部主事徐鴻起條議慎擇運解疏

覆加銜遊擊金玉鉉條議漕運事宜疏

覆漕院早完開幫依期回報疏

議增車戶腳價以蘇苦累疏

題催淮廠江廣新造剥船疏

題覆總河部院查察運河官員疏

題運弁劉羽侯等曾經虜患平價折抵疏

遵旨回奏知州萬戶侯無俸可罰疏

題請通州修築閘壩工部照例協濟疏

原缺

度支奏議卷之九

太子太保戶部尚書淄青畢自嚴視草

覆僨運漕糧兩中有無濕損疏

題爲恭報僨運糧儲事雲南清吏司案呈九月初
一日奉本部送戶科抄出該本部題前事等因
八月二十九日奉

聖旨這五日內運過糧米因雨減數知道了著僨程
加運勿悞限期至兩中有無濕損還查明奏報該
衙門知道欽此欽遵抄出到部送司隨即遵行京

通廳倉大通橋稽查運過糧米兩中有無濕漉
據寔呈報去後今奉本部送據京糧廳郎中竇
星呈稱奉本部劄付該職隨即移文六倉查取
去後續准舊太倉開稱查得八月二十一等日
兩中進過糧米每日有三千餘石內濕袋有三
百餘條然外濕而中乾到囤卸米用蓆厚蓋隨
于二十三四等日揭囤晾晒並無損傷又准南
新倉開稱本倉兩後所進漕糧其中間有濕潤
隨令倉役簡出攤晒稍乾方令歸囤仍候總晒

似無濕損又准海運倉開稱本倉自八月二十二等日雨後進過漕米逐查並無濕損緣奉

功令森嚴沿途防備苦蓋米色如常未致浥爛又准祿米倉開稱本倉每日所進漕糧金無濕損隨到隨卸即令歇脚如法苦蓋遇雨倍加蓆片亦無濕損又西新北新二倉俱稱微有濕潤并無損壞各等因又奉本部送據坐糧廳降級戴罪管事郎中丁沅芳呈稱八月二十一二十二日雖天雨不止然職於未雨之先責令兩壩及

五開經紀車船戶等役預買蓆片專備不虞是以兩日遇雨即時多方苦蓋可運者運難行者停幸無濕損又據大通橋主事王忠孝呈稱前月二十一二十二日連綿天雨露積橋糧本職誠恐濕損預爲料理或搬運號房或多蓆苦蓋幸保無虞止有月字號車戶李傑盈字號車戶徐承恩因逃去無踪堆米日久職令白糧車戶幫運查附地糧米遇有十餘石浥濕畧加晒撈便成佳粒原非腐朽又近日荒字一號經紀鄧

加智押龍虎衛米一百石到橋驗其米色中有
一二朽粒及詰經紀則云普濟落堦遇雨所致
當令本經同車戶如法晒晾運進外有玄字五
號經紀袁文煊因普濟閘沉船濕米現有三十
九石本經在橋攤晒雖有浥濕不爲損壞俱經
呈報督部訖升斗滲漏不宜以煩

聖聽既蒙劄查不敢不據實開報各等因到部送司
相應具題案呈到部該臣等看得漕糧徵解每
兌改米二石原有帶徵蘆蓆一領內七分拆色

三分本色同徵同解名曰隨糧蓆片以備沿途
苫蓋與倉中鋪墊斯正防天時不測之陰雨也
又查通糧廳每歲例於未雨之先俱令各役預
置蓆片如遇天雨多方苫蓋近日閘填剥運率
用此法其無濕損有繇然矣及至大通橋乃係
水陸交接之間恐有不測設立號房以備陰雨
以故該橋轉運亦無濕損此外不過行運馱載
之際或于途中遭雨一時趨避不及間有濕者
業經各倉司屬俱知典守在已即令倉歇攤晾

晒乾斯又無虞濕損者也至于已迺車戶李傑
徐承恩糧米露處稍有浥濕業令白糧車戶
爲幫運經紀鄧加智袁文昭運糧或落堆遇雨
或沉船被濕俱經該橋驗看勒令攤晒乾潔
運則雖少濕而不爲害今蒙

明旨查問不敢不據實以對者也緣係奉

旨詳查合應遵

旨具奏謹具本題

知

崇禎三年九月二十日具

題本月二十五日奉

聖旨據奏沉缸濕米不爲損壞附地浥濕略曬便佳
似無此理且李傑徐承恩逃去曾否根緝堆米便
當查運何日久延捱并南新倉稍乾歸因似無
損等語俱非確報還着查明具奏欽此

題漕糧永折災折疏

題爲遵

旨查奏漕糧并永折災折數目事雲南清吏司案呈
九月二十一日奉本部恭接

聖諭每年漕糧四百餘萬其中永折災折若干係何
地方因何折起折銀若干著戶部查奏欽此欽遵
傳奉到部送司查得漕糧四百萬石外帶運
米四十五萬內原少三萬六千六百一十九石
一斗九合通共總額四百四十一萬三千三百

議奏文

卷一百一十五

七

七

七

七

八十石八斗零內永折糧三十二萬
九十七石零共折銀二十二萬五千四百
七錢零內湖廣折糧三萬七千七百三十四
七斗折銀二萬六千四百一十四兩二錢
山東折糧七萬石折銀五萬一千四百五
兩一錢三分零河南折糧七萬石折銀五萬
千兩南直蘇州府折糧一十萬六千四百
二石六斗九升零折銀七萬三千九百三
錢八分零鳳陽府折糧八千五百七十一

一升折銀四千二百八十五兩一錢五分淮安
府折糧一萬四千七百石折銀七千三百五十
兩揚州府折糧二萬石折銀一萬兩又淮安府
睢寧縣災折糧三百三十石折銀二百三十
兩零寔在本色糧四百八萬五千五百五十三
石八斗零內昌平鎮糧二十二萬八千四百八
石五斗密雲鎮糧一十五萬四千八百一十五
八斗薊州糧二萬五千石天津糧六萬石天津
截留三十三萬石又新議截留運薊永兵餉米

一十萬石今自四月十六日發壩起至九月
八日止運過京糧一百八十一萬一千六百六
十石零通糧六十六萬一千八百三十三石零
又漕院龔一程題有漂失米一萬三千三百八
十八石零連前永折災折及津邊京通各項共
米三百七十一萬二千九百有零其餘見在剥
運至于因何折起根源從來已久大都因地方
產米不廣及轉運艱難之故耳合行具奏案呈
勅部該臣等看得漕糧四百萬石遼糧四十餘

萬七省直之輸將數千里之轉運以充京通之積貯而供億兆之軍儲誠

國家之大計大利也非遇地方重大災青不敢輕議改折若夫永折或因地瘠民貧災折或因水旱頻仍不得不爲斟酌調劑無非使民易辦而各官易徵耳今奉

明旨着臣部查奏查得漕糧四百萬石外帶運遼糧四十一萬三千三百八十石八斗零內永折三十二萬七千四百九十七石災折三百三十石

天津截留海運三十三萬石截留薊永兵餉
萬石津密昌薊邊糧四十六萬八千二百一
九石三斗今歲自祭墳起至九月十八日止共
運過京倉米一百八十一萬一千六百六十石
零通糧六十六萬一千八百三十三石零又漕
題漂失米一萬三千三百八十一石以上通共
本折該米三百七十一萬二千九百一十九石
零尚該存米七十萬四百石有餘昨臣詢之督

臣春回稱自本月十八日至二十二日均陸

續剥運米十餘萬石又在國在船米十二三萬石又趕幫截津除原數外約多米二萬有餘然大都皆約數而非確數或有不止于此者未可知也總俟剥運完日方可銷筭清楚耳又向來官旗俱以釐筭等銀扣抵追補每年掛欠亦屬不貲今歲雖轉運頗速或亦未能盡除積弊也其漕折銀共該二十二萬五千四百餘兩屢據總漕巡漕開報亦起解將完矣謹將本折糧銀數目查明具奏總俟漕糧轉運完日通行銷筭

酌議另

奏施行所有原奉

上傳合行

進繳

崇禎三年九月二十四日具

題本月二十七日奉

聖旨前旨著查永折災折便須細開地方緣繇銀數
如何含糊不明且既有每年字樣何異以余年運
糧抵塞還著逐款分行明奏欽此

題覆誤漕違限官員分別議處疏

題爲僨運糧儲事雲南清吏司案呈九月二十二日奉本部送戶科抄出該本部題前事九月十九日奉

聖旨誤漕重處業經屢旨申飭今須通查違限久近擇其尤者以信前旨儆後來該部如何槩從開復好生曲縱還著確議另奏欽此欽遵抄出到部送司案呈到部該臣等看得漕運積弛有日幸賴皇上加意振刷務復

祖考之舊臣等仰體

聖懷五內焚灼故凡于漕事稍悞者必力爲糾論不敢一毫寬假頃該漕臣龔一程疏題省直戴罪降級罰俸各官議令准免開復臣等欽奉查議之

旨以今歲糧運較往歲爲早未必非諸臣協贊之力故戴罪者議令

賜免降級罰俸者議令開復臣愚以爲益愆補過微寬政茲蒙

明旨責臣部以曲縱益仰我

皇上如天之仁而雨露霜霰纖毫不爽臣等又憬然
于惟輕之爲謬矣今該臣等覆按違限久近確
爲酌議而輕重布之除知縣梁應奎逮問湖廣
撫臣洪如鍾知州張文德知縣馬斯臧爲民湖
廣按臣黃宗昌推官徐日曦知縣賴昌祚費彥
芳照磨管九功俱降級另用恭可陞以不及論
劾山東糧道胡一龍已准致仕俱免再議查得
戴罪官八員內江西撫臣魏昭乘按臣葉成第

原以撫按提衡於上糧既完足應免戴罪其
道黃應秀詹應鵬應罰俸半年同知羅賓士
官郭必昌楊希旦胡守恒四員俱應罰俸三
月各免戴罪以示薄懲者也又查得降級官
員內糧道劉永祚應罰俸半年通判楊泰初
官王瑞旃知縣楊鼎熙王惟貞熊經胡靖共
用贖照磨韓上桂教諭朱濟之九員俱應罰
俸一年各免降級以示重儆又罰俸官二員知
府方岳貢史應選省過日久均應遞復者也至

常鎮道臣吳時亮與知府史應選前雖奉
旨戴罪但其允運督催漕糧尤多勞績尤著而時亮
押漕機關家難罔恤所謂爲

國忘家之臣相應并行免議以示激勸者也既經
該司案呈前來相應覆

請恭候

命下臣部移文各該衙門一體欽遵施行

崇禎三年十月初一日具

題本月初四日奉

聖旨罰輕人玩必致誤漕前旨著通查違限欠近
本如何不據限期分別各官違過時日以定條
乃僅憑臆酌議殊欠分明近李待問又已有疏
一併查核詳確議定具奏欽此

覆洪院恭報崇禎二年漕折全完疏

題爲恭報崇禎二年漕折全完事雲南清吏司
呈九月初六日奉本部送戶科抄出巡漕御史
龔一程題前事內報河南等省直隸蘇州等府
崇禎二年分漕折銀兩十分全完并薦知府董
嗣謙知州張爾庚知縣宋黻布政楊公翰等及
請今後查漕折輕齎完欠將藩司有司一體舉
劾同入考成各緣繇九月初三日奉

聖旨據報二年漕折俱已全完戶部查奏湖廣河南

山東南直鳳陽尚多缺欠豈起解未到致薦咨
異有無別情着即查明回奏漕折輕齎同載考成
藩司一體舉劾該部知道欽此欽遵抄出到部送
司遵即移付河南湖廣山東四川等司各查崇
禎二年分漕折完欠去後擬覆間九月十六日
又奉本部送據巡漕御史龔一程復題同前事
等因九月十三日奉

聖旨近奉欽起解即報部者尚多稽延司遵開冊
豈足盡數着該部查明具覆欽此十月初

七日又奉本部送據總漕部院李待問會題
事等因十月初五日奉

聖旨戶部知道欽此欽遵通送到司案照本年八月
二十五日該本部題爲遵

旨通核輕齎漕折銀兩以襄

國計事內覆輕齎數目并開漕折原額與崇禎二
年分漕折完欠河南未完銀一萬一千一百九
十五兩七錢八分山東未完銀二萬八千三百
一十三兩二錢二分湖廣全完南直蘇州府

完銀四萬兩淮安府新題睢寧縣折銀三萬

十一兩未解鳳陽府額銀四千二百八十五兩

一錢五分全欠各等因九月初二日奉

聖旨這輕齎漕折銀兩完欠用存數目知道了未

的行總漕及各撫按勒限催解爾部亦當體念國

計空虛民力困憊務節省贏餘以圖可繼毋但隨

到隨發有同漏卮欽此通行欽遵在卷今御史

一程會同總漕題報漕折完數與本部互異

旨着部查明回奏又奉查明具覆隨經備取各司

到細數的確磨查以便題覆去後今准河南
付開本年八月二十三日河南布政司差存
縣主簿孟世選解銀三千三百三十五兩一錢
四分又九月十二日差鄭州判官王業濬解銀
七千八百六十兩六錢四分山東司付開本年
八月二十八日山東兗州府差官張洪賓解銀
八千四百一十八兩三錢五分又九月初五日
濟南府差官章燾解銀四千八百九十四兩八
錢七分外東昌府尚該一萬五千兩先經新

司案呈于崇禎元年十月二十九日具奏

遼米該府動用開銷訖湖廣司付開該省領

二萬六千四百一十四兩二錢二分已於本年

月內解完訖四川司付開本年八月二十五

南直蘇州府差官馮國詔解銀四萬兩六月

三日鳳陽府差官張正之解銀四千二百八

五兩一錢五分九月初四日淮安府差官韓

乾解銀二百三十一兩俱到部訖各等因到

查得各司所開收過各省直漕折備合本

欠數目今皆全完相應據實具覆案呈到部
臣等看得漕折改本色爲折色較實供漕糧
勞逸固有間矣其徵納之數應與漕運同時
解寧得反居其後年來小民熟于刁頑有司
於督責徵解不前所從來矣今歲賴

皇上明燭群情法飭怠玩並漕折輕齎同稽完欠
方面有司共議功罪頒立考成悚勵百辟而各
藩司有司亦各竭力督徵崇禎二年漕折共計
二十二萬五千六百三十八兩七錢六分零

河南山東湖廣等省蘇州鳳陽淮安揚州等處
先解續解相繼畢完可謂奉法惟謹而總漕
漕督催之力亦有不可誣者矣其布政楊公
等知府董嗣謀等知州張爾庚等知縣宋琮
委應紀錄以昭激勸者也但漕臣龔一程題
各省直漕折全完而臣部前覆疏中猶多未
完欠互異宜厘

聖明之詰問也顧外內事體不同則完欠自應稍異
各有司徵完錢糧先報司府起解旋即轉文

院漕臣據司府之報旋而

上聞然不能瞬息抵部也臣部惟據見在爲言則
日不到部終不敢便以爲完矣臣等具疏於八
月末旬維時省直欠數各有不等曾未閱月而
皆陸續完納則漕臣之所報固不爽也內惟山
東派買遼米所用漕折新餉司原未行文坐定
及得漕臣清冊乃始知其已完亦當准與開銷
者也

明旨所謂起解未到致薦叅互異者真

明見萬里之外矣至于漕折輕齎均爲正額等語
查有司完欠而不與藩司糧道一體舉劾同
考成終有滲漏不周之處斯誠振飭漕務之
端所當永爲定例者也臣部前奉查奏後奉
覆謹備悉顛末以副

明旨伏乞

皇上俯鑒巡漕總漕所報與臣部原疏互異中未
不同金無別情并乞將全完方面有司准行
錄恭候

命下臣部行文各該衙門一體欽遵施行

崇禎三年十月十六日具

題本月二十四日奉

聖旨二年分漕折全完并奏報異同緣繇知道了楊
公翰等准紀錄該部知道欽此

覆大通橋糧倉遇夜微有濕損疏

題爲恭報僨運糧儲事雲南清吏司案呈九月初
一日奉本部送戶科抄出該本部題前事等因
八月二十九日奉

聖旨這五日內運過糧米因雨減數知道了着僨程
加運勿悞限期至雨中有無濕損還查明奏報該
衙門知道欽此欽遵抄出到部送司隨即遵行京
通廳倉大通橋稽查詳明案呈到部於九月二
十日題覆訖續于九月二十五日奉

聖旨據奏沉船濕米不爲損壞附地浥濕畧曬便佳
似無此理且李傑徐承恩逃去曾否根緝堆米便
當查運何日久延推并南新倉稍乾歸囤似無濕
損等語俱非確報還着查明具奏欽此欽遵抄出
到部送司行文京糧廳大通橋核實速報去後
隨據大通橋監督主事王忠孝呈稱漕運舟車
剝換之際防護極難先是八月二十一二十二
連日淋雨晝夜河干督率苦蓋幸無他虞惟
有李傑徐承恩二役逃走職即差役跟尋仍行

該坊遍緝查無踪跡隨詳督部報補蒙諭白
車戶幫運部批及坊官回文可覆而核也逃
跟緝以便報詳數日之間無人供運致有積
後雖設法幫運續到之米又多未能刻日清
適值陰雨淋漓上面用席苫蓋附地偶有滲
勢所必至力無如何非延捱不行查運之故
遭濕與積朽不同且爲數不多一晒便乾實
泡腐若內河沉船責在經紀但登時撈晒不
損壞曾經驗過俱是據實之詞

聖明在上升斗必以直告安敢冒昧取戾等因
京糧廳署郎中事主事實星呈稱蒙查南新
歸國米石有無濕損本職即移該倉行查去後
本月初十日淮南新倉監督主事張堪手本回
稱查得本倉八月二十二三等日雨後所進糧
石係沿途苦蓋不及到倉間有濕潤者當據各
衛稟稱親督歇腳簡出攤晒歸國彼時奉文移
查運旗俱未到倉尚未如式晒揚見數委間
濕不得盡報無濕但懸度未確亦不能輒報有

損原是兢業一念不敢

上欺耳迄今晒揚收受已完乃知果無滙損相應
實回覆等因俱經到部送司各案呈到部該
等看得漕糧關係

國儲地方輸之則百姓之脂膏倉庾貯之則三
之命脉仰厯

宸衷非一日矣臣等兢兢率屬拮据備運惟弗稱任
使是懼倘有濕朽浥爛而朦朧隱匿豈義之所
敢出哉前八月內遇雨有無濕損一節已

實奏明廼

皇上仍恐覆奏未確奉

旨再查

聖慮淵深周至無微不至而臣等益不勝惴惴懼
既爲明詆復行暗訪而還質兩司官之回文身
得大通橋之有浥濕也原以車戶偶逃適然遇
兩跟尋者既未驟獲幫運者又難遽到前米已
積後米復至附地滲濕理所固然第非濕久
輒者比則晒之而乾易易耳即內河沉船隨處

隨晒經紀自有帑責河干自有衆目主事玉
孝利害切身固不爲逃役留寬縱之路亦不
濕米開曲徇之漸也至南新倉稍乾歸國似無
濕損等語原以歇脚攤晒運旗未揚勢難確
始從活語今晒收已完果無濕損該倉主事
堪已具有確報矣然則初之大通橋纖悉必
者正以

聖明在上不敢少自隱諱以明勿欺之衷而南新
之初報疑似者亦不過兢業一念據實剖陳

題覆龔漕院查添漕折拖欠疏

竊為漕銀徵解太緩累谷催取不前恭請

明旨申飭速完以濟急需事雲南清吏司案呈九月

初六日奉本部送戶科抄出巡漕御史龔一

題前事九月初三日奉

聖旨漕折正額錢糧如何積歲久逋屢催未結這

完各官姑免降俸住俸未完的該部分別議處仍

嚴限督解其動借銀兩着該撫按速查完補不得

玩延該衙門知道欽此又該總漕部院李待問

未收而輒爲確報萬一或涉於欺且其害
損壞今日固可正告之

皇上也大都橋倉之事正可相對金觀該橋以轉
爲職掌該倉以收貯爲職掌假令閘壩果有
腐則通橋必不收受通橋果有損壞則六倉
必駁回前五月間濕米成塊橋倉紛紛爭執
一同聚訟而今次固寂然也倘使果汜爛不堪
橋又何利於閘壩而運之六倉又何愛於通
而救之屈已徇人而置自己之功名性命

顧非人情矣伏惟

聖明垂鑒幸甚臣無任悚息待

命之至

崇禎三年十月十八日具

題本月二十六日奉

聖旨這橋倉濕米無損知道丁車戶脫逃即宜報
何數日無人供運致堆積滲浥且李傑徐承恩
報必有保認何遽查無踪跡顯是猾胥通同乘機
刁勒還着嚴緝究明具奏欽此

前事十月初四日奉

聖旨這漕折銀兩奉旨查飭方新著將本內完欠
官嚴行分別議奏不得漫徇該部知道欽此欽遵
通抄到部送司又奉本部批據錦衣衛經歷司
經歷饒若蒙呈爲災邑後邀改折之

命陞任因爲難完之局乞恩詳察以寬罪戾事內稱
卑職原任清河縣知縣因天啓六年淮北州縣
十分災傷百姓逃亡漕糧無措兩院交章乞

請改折至天啓七年春方得准改折三分而職終

年十一月內已叨陞順天府通判矣其任內完本色七分業已完解無欠而改折於離任後者自有代庖應徵非職力之所能及也伏乞垂察陞任在先改折在後代爲超豁等因奉批雲南司查明入疏奉此除全完各官遵

明旨免其降俸任俸通行遵照其未完并借動銀兩業經呈堂咨行各該撫按定限十一月完解查未完各州縣有全未完者有完不及額者相應分別具覆案呈到部該臣等看得漕折銀兩

隨糧起解原係惟正之供乃向來有司以
風以致積逋數多今雖極力催督除全完者
奉

明旨姑免降俸任俸通行遵照外惟是新舊併徵
累州縣仍有十分全未完者亦有完不及額者
在原管經徵遺欠於後各固難逃而接管代
仍通于前例亦難追今該臣等查據漕臣龔
程凱稱如海州原管知州董密見任代催知
王崇士清河縣原管知縣饒若蒙署印代催

歷馮應元廬氏縣原管知縣劉堯派接管知縣
蔡可陞獲嘉縣原管知縣程調羹接管知縣
應奎江陵縣原管知縣黃昌見任代催知縣
瑞豹以上五州縣俱全未完者又如華容縣原
管知縣戴文選署印教授許邦璧知事康以
見任代催知縣胡順桃源縣原管知縣李惟
新任代催知縣鄭贊塩城縣原管知縣楊世
見任代催知縣馬文耀以上三縣皆完不及
者除清河縣知縣饒若蒙陞任在先改折在

未完漕銀既非本官之事相應免其承辦
縣知縣梁應奎已經逮問程調羹以患病海州
知州董密以年老盧氏縣知縣劉堯泓以不職
恭可陞以不及桃源縣知縣李惟鳳鹽城縣知
縣楊世祿均經論劾宜免再議外其餘各官如
海州知州王崇士經歷馮應元江陵縣知縣
瑞豹署華容縣事教授許邦璧知事康以蒼
縣胡順桃源縣知縣鄭贊益城縣知縣馬文
晉到任在後而接管代催者雖非各官之任

逋負而不能督催完解咎亦難辭相應通行
俸勒令督催糧完開復若江陵縣知縣黃昌
經行取華容縣知縣戴文選已經陞任祇緣
年急撫字而緩催科以致今日逋正課而貽後
累相應于見任官降俸二級仍候糧完開復以
示懲創以儆後來者也其各未完銀兩行令該
法嚴追限十一月完解如仍前拖延者另行重
加叅處至於借用銀兩在湖廣以

藩王之費借動銀八千四百四十五兩零先該道

部于查核輕賁廩內具題矣在蘇州府又以此
價那借嘉定縣銀九千餘兩錢糧各有項款有
借必須索償相應責成撫按督率道府速與完
補亦難久假不歸者也既經總漕部院李待問
巡漕御史龔一程具題前來相應覆
請恭候

命下臣部行文各該衙門一體欽遵施行

崇禎三年十月三十日具

題十一月初五日奉

聖旨漕折正供何得一任拖欠甚至十分全通
玩肆王崇士等念係接管姑依議任俸督催如
遲違定行重究黃昌戴文選全未完糧原不應
今從見官僅擬降俸將來劣令只須俸遷便可
事豈足示懲至云糧完開復是彼既貽累後人
復因人利己國法人情公平何在還着該部查照
錢糧典例另議奏奪欽此

覆津門凍糧道廳漫不綜稽疏

題爲官旗盜賣漕糧事雲南清吏司案呈卷查
月初一日奉本部送戶科抄出該本部題前
內叅泗州衛千戶應襲朱九臯并湖州等衛所
運官申永基等八弁隱匿暗囤凍糧緣繇八月
二十九日奉

聖旨這朱九臯等掛欠漕糧至二萬餘米既無存
亦烏有法紀蕩然着送法司嚴究追比正罪至津
門凍糧報完已久如何尚有申永基等暗囤滯

若干米經投文申報似此情弊該道應經督撫
全不綜稽徑云竣事職守何在都著明白奏來
此欽遵抄出到部送司遵即呈堂移咨刑部
劄京通二廳將朱九臯等解送法司嚴究追
正罪仍咨津部及劄津道即查申永基等暗
浥爛未經投文申報都著明白具奏去後今准
天津部院咨覆前事內稱備行餉道轉行兵備
兩廳細查申永基等暗囤凍糧情跡隨據該道
呈稱案查湖州所千戶申永基原領運濟米

萬一千四百八十一石四升八合七抄三撮
門去冬止收其進城凍糧三萬九十一石三
一升掛欠糧一千三百八十九石七斗三升
合七抄三撮溫州衛百戶張問禮原領運漕米
九千二百九十二石三斗六升五合三勺津
去冬止收其進城凍糧六千八百四十二石二
斗掛欠糧二千四百五十石一斗六升五合三
勺溫州衛百戶管天爵原領運漕米一萬八千
八百七十三石二斗二升七合二勺五抄津

去冬止收其進城凍糧一萬五千九百七十三石二斗掛欠糧二千九百一石二升七合二勺五抄温州衛指揮朱良弼原領運米一萬六千六百二十五石六斗八升五合津門去冬止收其進城凍糧一萬一千三百九十一石三斗掛欠糧二百三十四石三斗八升五合寧波衛千戶朱良輔原領運米一萬二千六百九十五石五斗四升七合五勺津門去冬止收其進城凍糧一萬一百石掛欠糧二千五百九十五石

斗四升七合五勺寧波衛千戶李茂英原領米
一萬一千五十五石六斗二升五合四勺津門
去冬止收其進城凍糧八千七百八十七石九
斗掛欠糧二千二百六十七石七斗二升五合
四勺寧波衛千戶高明原領米一萬五百八石
三斗六升二合五勺津門去冬止收其進城凍
糧八千五百二十五石五斗五升掛欠糧一千
五百三十二石八斗一升二合二勺台州衛千
戶趙天爵原領運米九千二百九十五石四斗

二升八合六勺四抄津門去冬止收其進城
糧七千四百六十九石五斗掛欠糧一千八百
二十五石九斗二升八合六勺四抄以上收過
八弁凍糧已經照數報入一百六萬二千七石
四斗二升五合九勺四抄數內俱經盡數發運
完足此外津門並無顆粒遺剩者今奉查申永
基存留之米該本道備行兵糧廳親查得姚家
灣有申永基囤貯米四百四十石朱良粥米三
百四石旗甲劉進明米四百一十石朱良粥米

五百五十八石三斗管天爵米三百二十四石
張問禮米五百石俱於六月纔到皆失風朽爛
不堪津門不便收受其李茂英趙天爵高明則
並未有續到之米無憑可稽等因據此竊照津
門惟司專發海運原非經收漕糧去冬因虜騎
充斥奉

旨責令津門將上下凍糧盡輸入城以避不虞且所
收之米業於六月二十四日已發運報竣此外
申永基等五弁失風之米今年六月纔到皆係

行爛自當赴京通銷冀津門不敢再收以
堪之咎等因呈報前來該本部院看得申永基
等米固浥爛然係去年冬截數內尚有掛欠如
許因何津門不爲收受及查呈報各升米數與
部咨不投復駁行該道查議間據該道呈稱復
行兵管兩廳親驗各升因米確數據報與前無
異再照津門

奏繳凍糧一百六萬二千有奇之數在六月二
日部咨行查申永基等米在八月二十七

報數在前谷行在後津門未奉部文何敢
追究等因呈覆到部院據此看得去年漕運
遲凍阻甚多後因虜警奉

旨將津門上下凍糧盡數搬運入城計總收一百六
萬二千餘石而截留之三十三萬在焉數經
奏報運且發完突於六月間申永基遞一呈于本
部院要將續到失風撈救米四百四十石免求
津門收受抵補掛欠數目當經駁批二年漕米
三年此時方運到可訝也米經撈救即晒揚

色味變矣掛欠不以好米補何厭食此是
充數應否收受仰督餉道查報續據該道
米色不佳不敢輕收應令起通糧廳銷笑等因
若張問禮等並未有一字於部院該道夫孰從
而知其米之有無美惡也津門固貯凍糧如許
方且費腳價覓舟楫覬向京通輸輓若輩不
赴京通交納而暗寄囤于津門此其心何心哉
即使米色乾潔既已

奏報前後參差數目淆亂且不便於收受况耗

失風撈救書是腐朽不堪到處憎嫌作何處
一悞不堪再悞又誰肯代運官任浥米之整
運官旗甲強半積奸巨猾以盜賣爲常事以
匿爲固然明知其米色浥爛乃欲以津爲藉
納汙之數不售明知在通廳銷笑乃欲以津
躲閃影射之地又不售狡詐多端乾沒無忌
不一重懲之長此將安窮乎漕糧關係甚重
粒皆屬軍需申永基等見因浥爛之米應該
何易換其餘掛欠之數應該作何追賠總在

部照依題

准近例令通廳追比銷筭擬合回咨題覆等因到
奉批雲南司查議奉此案查本年八月初九日
該本部題據坐糧廳呈詳運弁朱九臯等盜竊
漕糧緣繇內并議湖州等衛所八運弁申永基
等隱匿凍糧等因奉有該道廳經營各官全不
綜稽經云竣事職守何在都着明白奏來之
旨已經欽遵咨行去後今該天津部院轉行餉道及
兵管兩廳詳查申永基等暗囤米數情節咨復

本部代奏前來查係事干

明旨業即呈堂復咨具奏去後今又准天津部院
前事內稱申永基等暗囤凍糧已經本部題
奉

旨着令明白具奏前本部院已據該道廳之呈詳具
咨請覆正以本部之所題叅者還請具覆揅情
度理似爲妥便希將前咨再一覆核即爲覆奏
等因到部奉批雲南司具覆奉此相應從實具
奏案呈到部該臣等看得浙江湖州等衛所

弁申永基張問禮管天爵朱良弼朱良輔李
英趙天爵高明等領運崇禎元年漕糧頭運俱
至津門交卸今經查有納欠數目其爲津門截
留無疑而續來暗囤之米其爲截留內掛欠亦
復不爽夫留津之米應在津納完即赴通銷集
舊例昭然申永基既係截內續到之糧何以津
門反不收受通廳懸有徹底清查之例何以各
弁竟不投文此其如鬼如賊之情狀誠有不可
得而方物者案查本年八月初七日據申永基

等八弁呈稱去年十月旗甲劉進明等在東平
地方失風撈米蒸晒今日今年六月方到夫東
平爲漕渠閘河非有巨浪洪浸何至失風即米
風矣春和凍泮至津亦易迨至六月新運之抵
通者不啻大半而舊運反淹其後則中間九月
光陰作何狀耶各弁押運各駐本舡即云旗甲
劉進明等失風矣各弁各舡豈俱失風而滯爛
若斯耶漕糧續至津門則米當在舡內何以俱
發暗囑止一申永基呈報而張問禮等并不呈

報耶臣等深求其故而不可得此非原起暗
爲乾沒計則係續買濫惡爲搪抵計奸貪狡
誠無一可者也試觀李茂英趙天爵高明三
與申承基等先經同赴臣部呈報失風今經
天津查核全無顆粒此其跪謫又可詫矣至
于通廳原報米數與今津門見在米數亦多
不投均當以津門爲據者也及查津部咨稱
米盡朽爛不堪到處憎嫌似已無可收拾而
各弁之設計侵欺支吾強辯亦極可痛恨今
惟先發八弁速

赴通廳會同津門銷筭截留掛欠正改尖耗
目儘法追比朽爛漕糧令其變價買補無容
假不足則行文該省變產完糧仍送刑部究
問以應得罪名庶知
國儲不可奸而

王章不容犯矣若津門餉道張志芳同知王秉衡專
管截漕乃以報竣之後原額已足不便於收受
不代爲轉輸亦是實情惟是未經申報臣部是
爲查究終屬缺事宜

聖明之詰問職守而都著明白素來也但前因津
浥爛餉道張志芳已經戴罪管事同知王秉衡
亦已降職三級爲公受累正自不淺則其睹茲
浥爛之米固其所談虎而色變者又似無容過
求也頃准津部翟鳳翀移咨臣部代覆臣謹備
述顛末以聽

聖裁總之運弁侵漁影射習慣已久交吾閃爍百倍
尋常要當盡法追糧仍行提問以重漕務而不
得卸過於道廳以然其展辯者也既經督臣咨

覆前來相應覆

請恭候

命下臣部行文各該衙門一體欽遵施行

崇禎三年十一月初三日具

題本月初六日奉

聖旨申永基等回米作姦法當重究著法司通行提
了仍同該部差的當人役押往通津銷筭漕數具
奏張志芳王秉衡失於申查明屬溺職前旨詰他
何以報竣這本內仍云竣後額足不便收受是於

登對之義何在還著明白奏來欽此

覆刑部主事徐鴻起條議慎擇運解疏

題爲微臣在刑言刑仰體

皇上良法美意以策運解以省耗煩以實

國用以裨全治事雲南清吏司案呈本年十月

七日奉本部送戶科抄出刑部福建清吏司主

事徐鴻起奏前事內條議運官解官委解委運

四事各緣繇本月十六日奉

聖旨運弁解官委宜慎擇可杜耗欠兼省比追這本
說得是着該部詳酌議覆欽此欽遵抄出到部送

司奉此查得刑部主事徐鴻起條議運官
實解官用科甲委解委運分責藩司知府四
有裨

國計相應遵

旨酌覆案呈到部該臣等看得漕事之敝在拖欠
銀之蠹在花銷兩者年來無不講求善處然至
莫有直探本源而爲之所以致掛欠花費年甚
一年而叅送追比亦日甚一日今刑部主事徐
鴻起職司追比慨然見筭朴之無益而剏爲

本之論業蒙

皇上採聽俞允著令臣部詳酌議覆臣等遵卽詳
條欵一曰不許貧弁運糧夫貧弁固蕭然無
者耳其豁壑之愆政深也一得運糧事權在
視爲已有舉凡水次賣米償債造房婚嫁嫖賭
之類勢有必至及上糧日能保不拖欠乎如
官於僉委時能擇衛中之廉幹殷實者以克
則必以身家爲重自絕賣米花費之端而上
之拖欠其何有焉一曰不許吏員爲辦官夫

員貪財舞文自其天性一官委解而貪
之心生矣甚而沿途遷延甚而恣意侵虐
朝廷之金錢明恣若輩之吞啖也如委解錢糧改
易輟不任吏員而任科甲降官最下亦用積
貲監則彼前途尚遠自以功名爲重自然無
必削而解銀之侵耗其何有焉一曰解官委
專責布政太守夫解銀至京其任重而途遠
可視爲等閑茫無責成今後各省解官解布
司選委兩直隸解官聽知府選委異日解

有債事則布政知府各以踈縱議處從此擇吏
必慎錢糧自無蠹蝕之虞矣一曰運官委任
責府官夫一郡之運升貧富減否該府正佐
員知之熟矣但曲徇情面任意差委而忽乃
賄之

公家今後知府及清軍同知奉文僉委運升務取
素行端謹及家道殷實者後日運升交糧完公
卽府官之稱職與否係之其南京運事屬兵部
爲政者責成兵部職方司官亦照前例以此

功亦以此論罪則必暢於終而慎於始何難
用匪人自貽伊戚而漕儲之虧欠者鮮矣以上
四事實止二事見若平平而實清理漕政轉解
錢糧之大關鍵也惟務著實申飭舉行則倉儲
自實庫藏自充可以省叅題可以免追比而
國計漕輓終賴之矣既經該司具奏前來相應
請恭候

諭下臣部行文各該衙門一體欽遵施行

崇禎三年十一月初十日具

題本月十三日奉

聖旨運弁解官責成各該管衙門嚴加選擇功罪
體並論依議着實飭行欽此

覆加銜遊擊金玉鉉條議漕運事宜疏

題爲漕運係軍

國大計興除在設法得宜謹以微習熟的確者酌
陳蠹見以備採擇事雲南清吏司案呈本年十
月二十日奉本部送戶科抄出阜城門城守協
理神機三營加銜遊擊金玉鉉奏前事內議編
漕成伍及取餘軍爲外水各緣繇本月十八日
奉

聖旨這所奏有關漕務該部卽與酌覆本內訛字樣

多殊欠敬慎着改正行欽此欽遵抄出到部送領
查得加銜遊擊金玉鉉具陳漕河利弊奉有
明旨相應酌覆案呈到部該臣等看得漕政重務也
國儲重事也飛輓則當按期而前遇警則宜有備
無患俾搭舟皆可稽之籍而入庾無旁漏之虞
臣竊劇心條畫刻意振刷詎敢踈漏而誤
國計哉加銜遊擊金玉鉉前五月內曾有設法護
運一疏續該兵部酌議欽奉

臣等中軍不必添設今復更端而有此既臣謹仰體

皇上重漕至意細行參酌查得今歲董漕諸臣凜遵
明旨六月抵津九月回空嗣此限程既定竭蹶恐後
誰敢延緩逾期自貽伊咎則夫挽遲爲速可無
容復贅矣惟是船艘脫幫截劫抵間則防護宜
嚴也縶挽萍梗逋逃莫問則正身宜覈也前奉
聖旨不曰各省自爲聯絡無縱烏合傭徒耶是必令
伍晝夜無紊鳴炮彼此互擊各船原有器械運
弁加意隄防編漕成旅未爲無裨水夫渙散務
取衛結一人作奸十人連坐倣保甲之意行約

束之法諸凡盜賣捕和因而捏報漂流假手
焚坐致虧損正額誠宜亟行懲飭者矣如謂外
水不宜召募卽取本衛軍餘此是從來

祖制宜爾惟軍餘不足故輔以外水今欲申飭

舊制未爲不可顧力行何如耳又稱侵漁盡係奸類

掛欠獨累運官恐不盡然夫水次折乾沿途侵

渙不肖運官每每貪餌同弊可槩諉之旗甲外

水哉新例到壩則官旗俱取歇保掛欠則旗甲

盡勒攤賠誠不必借端波累致弛領運之擔

也該弁所議大都皆

明旨所已悉及臣部所屢陳者詎果剖人之所未
者哉抑有說焉金玉鉉一加銜武弁非實職也
前疏實欲添設中軍未蒙

欽允故不勝技癢轉託歷任漕河悉知利弊爲自薦
自媒之嚆矢耳

聖明雖無言而不採該弁實有爲而後發不得不爲
拈出者也相應題覆恭候

命下臣部行文各該衙門一體施行

崇禎三年十一月十五日具

題本月十八日奉

聖旨漕規船政已經新飭其嚴防護查正身依議行
旗甲水夫正須運官約束若掛欠侵欺本弁何能
委責以後但有盜欠等弊官旗一體追治該衙門
知道欽此

覆漕院早完開幫依期回報疏

題爲請明開幫定限仰乞

嚴飭遵行事雲南清吏司案呈十一月十四日奉本
部送戶科抄出巡漕御史王邦柱題前事本月
十二日奉

聖旨僨運湏早開幫這所奏各撫按查報限期戶部
卽與酌覆欽此欽遵抄出到部送司查得本部於
本年九月內題

准新例起兌開幫各省直漕糧派給各衛所運官領

兌山東河南江北江南浙江江西湖廣俱限
二月初旬領兌呈報督糧道及監兌查覈大縣
不過半月小限不過十日務要通完開幫撫按
具疏題

奏限自正月爲始有司不完兌軍衛不開幫違限
一月者各罰俸一年違限二月者各降職二級
違限三月者有司革職爲民運官降三級調衛
差操等因業經通行遵照在卷今巡漕御史王
邦柱題明開幫定限不得過正月中旬緣繇奉

旨下部相應具覆案呈到部該臣等看得今歲漕糧
業蒙

皇上明罰勅法轉遲爲速各省直糧船俱已回空無
片帆凍阻者則到次兌糧自無前此之遲悞矣
臣部近奉

明旨酌定漕運單例通行頒布永爲遵守而總漕李
待問又復分別遠近以定過淮之限視臣部初
議又加謹焉似亦無復滲漏也者惟是開幫一
節原係第一喫緊關頭查臣部條議各省直漕

糧俱限十二月兌完開幫責成撫按具疏奏
聞有遲違者分別降罰等因今漕臣王邦柱慮恐將
移未免遲悞題

請再爲申明令其刻不可逾誠有見於開幫之遲速
卽基淮洪過壩之限期計日定時不敢以延緩
厯

膏肝之憂也合無照依所議凡省直各船起兌開幫
悉限十二月以裡盡數通完卽有零船找兌亦
不得過正月中旬其撫按亦皆以正月中旬爲

實題報但違限者盡法叅處庶

功令森肅而人心之怠玩益振矣既經巡漕御

王邦柱具題前來相應覆

請恭候

命下臣部行文各該衙門一體欽遵施行

崇禎三年十一月十六日具

題本月二十一日奉

聖旨今歲漕船回空既早完兌開幫自當如期各撫

按定限正月中旬據實題報但有怠玩違限的

論有司軍衛盡法叅處若撫按庇屬徇縱一體

罰該部再行嚴飭欽此

議增車戶脚價以蘇苦累疏

題爲議增車戶脚價以蘇苦累事雲南清吏司
呈奉本部送據監督大通橋主事王忠孝呈據
軍糧車戶天字等一十三號蔣良臣等告稱據
役艱狀不能殫述其脚價一項幸蒙本部現經
現支得以湊手但今年糧米新舊駢集脚價騰
湧東倉二十餘文西倉三十餘文種種苦累役
等有典房鬻子者有產絕人逃者有削髮爲僧
者種種顛連難逃洞察爲此告懇多增脚價

困速漕實爲恩便等情據此爲照倉橋糧運
運役也而橋役獨苦職自二月初九日接差
值開凍行糧兵戈之後車畜耗散職是以有
發舊價之請蓋不敢預支而求發舊正欲其
會車驢可速轉輸也乃軍需方殷未能應手
前僱募幾至半倍而又官旗南回押運無人
色晒折以及倒袋抗厥諸事節節波累各役
成掉臂職是以有願求叅罰之請無非目擊
艱故力爲控籲耳此猶曰凍糧之苦也乃

甫竣新運湧集向時行萬餘者今且行三萬矣
脚價高騰視前更倍於是變產鬻子削髮徙居
諸態畢見日者停壓數多非職僨運之不力實
因鞭策之不前也幸蒙本部設法疏通令白糧
車戶爐頭幫運得人輕借積滯頓清因思白糧
減數幫運已爲議遠近加增之價爐頭雖幫工
萬尚未滿通橋一日之糧而皆不勝困累倦而
思返則車戶之真正踣仆可知也案查天啓六
七年曾議加增一厘近始停革各役曾經告懇

蒙批別議夫以一年而竣兩年運事以一日而
行三萬餘石名曰復古其實初始小民之膏血
已竭

朝廷之涓滴宜施則新運加增一厘似可仰體德意
而謬爲祈請者也等因到部奉批移咨督部查
議奉此遵卽呈堂咨查去後十月二十七日奉
本部送准總督倉場尚書錢春谷據京糧廳
卽中事主事實呈稱案呈天啓七年前督部
蘇茂相批據大通橋車戶王文忠等一百三

二名以草料騰貴

大工盛興分奪車畜告增脚價又該橋員外程道亦以車役疲累難支具詳呈稱脚價一事職於此非敢冒請市恩蓋熟覩事勢人情及今不爲之計則悞運之罪職不敢辭而悞運之害有不可名言者乞深維

國計垂念民瘼急爲題

請庶民困得甦

國儲攸賴等因蒙批詳增脚價京糧廳酌議

家此該前任主事趙建極隨移行通糧廳
去後續准通糧廳回稱車戶具給東倉脚價二
分一厘西倉脚價二分七厘已經先年巡倉
御史條議酌增三厘在內矣每年查有無陰
泥滓會查詳酌可增則增如或精明毋使冒
等因在卷嗣後或因泥滓或因錢貴或因預
車畜糧運來遲各役未免借墊之苦或因截
數多進京糧少各役猶多賒折之累是以連
脚價照例筭給今年以工價倍常草豆騰貴

求議增似宜憐准但於既增之後求增值此等
匱之日恐萬萬不能如車戶所呈六七厘之額
也或酌增一厘暫示恤典仍照年歲豐歉天時
雨晴查詳酌給不得求爲定例等因到廳准此
該主事趙建極看得供事子漕糧者惟車戶最
苦蓋車戶腳價雖有額議而人畜時值原無定
局往歲豐稔有人力可以代役有騾馬可以代
雇尚堪支撐近以

大工木石山海器具併湊一時而米麥料草騰貴

復異常比例告增亦貧役勢所必至也但
帑藏匱乏之時卽各邊鎮額內支納每屬不敷
乃各役於舊例之外妄興加添卽賠苦堪憐而
金錢其何出乎查各省直輕賫係通糧廳爲政
已經傳繇移會去後今准前因合無俯照通糧
撥議每糧一石比舊例量增一厘總於輕賫銀
內通融加給分言之似存乎見少而總計六倉
非二千餘金不可因時制宜公私兩便至於豐
歉異時雨晴異候固不得執爲永例者也等因

在案此通橋脚價原增一厘之緣繇也自天啓
七年以後各役照此例支領未嘗增減此雖因
時通融之法然行之已二三年各役認爲定例
各上臺亦未有裁減節省之議至崇禎二年生
月以後忽經虜變各役運過糧數時迫不暇計
領又前此俱繇通州銷筭今日銀歸太倉各役
舊有長支扣筭未清今日長支俱清楚矣但輕
賁一項屢奉

嚴旨務節省贏餘以圖可繼故新添一厘屢經會議

而迄無定論此近時議停之始末也今據
橋王主事呈詳車戶蔣良臣等所告該職廳
看得漕糧轉運倚賴車戶爲役最苦然車戶所
恃以運者車騾耳車騾價平則運事猶易車騾
價高則運事最難天啓六七年間

大工盛興山海分運草料湧貴故有加添一厘之
况因前歲虜變車騾焚傷且一年而兼兩年
運其賠苦不甚於往年乎加添之說原論歲
豐歉時之陰晴在今日更當論運之緩急今

之迅速前此未有也各役變產鬻子削髮巡捕
僅完目前之局而借貸俱未還也若不稍爲
融恐來年之悞運更甚今年矣今查該橋本
三月初一日起至七月二十九日止運過凍
六十七萬六千五百九十七石自四月十六
起至十月初十日止運過秋糧一百九十萬
糧有新舊總之本年之運事共糧二百五十八
萬二千八百九十七石每石一厘該加銀二千
五百八十二兩當帑藏告匱之時何敢輕議

增然職廳非欲市恩而爲各役請命也。前
理新運在通橋莫急於車騾車騾之先備與臨
時之雇覓價相遠也。莫若將加添銀兩責成該
橋監督按銀數而廣招車騾先期查點不許廢
公帑而還私債此於各役之苦累亦得少恤而
於來年之運事實大有益矣。此項雖係加增銀
復舊例然亦不可執爲永永之定例也。相應
請等因到部據此看得車戶一厘脚價告增
天啓七年雖有因時加減之議年來各役煩苦

相沿認爲定例近日輕資銀歸太倉彙奉

明旨務期節省遂欲議停一厘迄無定論第減於歲稔事平之際在各役不見爲厲議者又何必代若輩爭涓滴於公帑也如今歲車役值虜變後逃亡消乏者過半車畜人夫旣無預備凍糧新漕一時湧至催覓之值倍於往昔各役之泣訴求增於此外者不知凡幾又安能更減之於此內也合無仍照舊例准復一厘如數查給責成該橋督令廣募車騾爲新運地庥

朝廷之德意普而下役疲累藉以少甦等因到部
批雲南司查議具題奉此查得大通橋運糧車
戶自虜變之後雇覓車畜倍爲艱苦比照天啓
六七年舊例告增一厘旣經督部查議前來相
應題

請案呈到部該臣等看得車戶運糧腳價東倉二分
一厘西倉二分七厘此先年陸續酌議定例也
自天啓六七年間工作盛舉軍役煩興一時車
畜價倍於昔各役苦累不堪每石議增一厘

恤其私此亦因時權宜之意二三年來各役照例支領業已視爲固然頃緣輕賫收入太倉奉

明旨務期節省新添一厘遂欲議停臣于通同作弊疏內已經題明在案假令專一臣等便當力爲斬絕奚必颺颺然爲若輩請益哉但自虜變之餘郊

幾物方消亡過半車畜人夫又較難于天啓六年矣矧奉

明上可挽遲爲速刻日轉輸車畜脚價一時騰湧

數倍往昔幸賴白糧車戶寶泉爐頭協力轉輸
加價鼓舞而後竣事今在各役尚猶奢望千
厘之外而欲再減于一厘之內則臣等不能不
爲之躊躇矣且轉盼又當新漕一切運務更宜
早辦而令各役以缺望從事非便計也除上年
凍糧已經題明停止不准加給外其本年新運
秋糧合無照依所議將加增一厘仍舊支領
令該橋預募車畜務求實用無少虛糜不惟

役喘息漸甦而來歲新運亦爲有裨矣此後
照舊例以豐歉晴雨爲加損要難預定者也
經督臣咨會前來相應題

請恭候

命下臣部欽遵給發施行

崇禎三年十一月十六日具

題本月二十三日奉

聖旨據奏今歲車贏因警後耗減且兩運並集爲力
倍艱這所增腳價依議行仍著該橋監督預籌

幕接濟新運以後還因時酌給不得執爲定

此

題催淮廠江廣新造剥船疏

題爲祈

勅速催亟造剥舡以濟運務事雲南清吏司案呈
本月二十六日奉本部送戶科抄出該本部題
前事內稱卷查本年三月內該本部題爲亟請
補造漕舡剥舡以濟糧運以裕儲計事內據前
任巡漕御史潘士遴題報各衛所官旗領運漕
舡自通州以至張家灣一帶被虜燒燬九百七
十八隻又據坐糧廳郎中丁流芳呈報被虜焚

燬剥舡裡河軍糧八十四隻白糧一十五隻
河剥舡石壩一百一十八隻土壩六十隻半
糧七十五隻又據河西務主事劉孔敬呈報被
虜焚燬剥舡三百四十八隻各等因到部備查
補造剥舡價銀裡河每隻給工料銀六十五兩
外河每隻給工料銀六十五兩外多蓬桅銀
十二兩五錢內批行駁減七兩五錢准給蓬桅
銀一十五兩又據主事劉孔敬呈爲夷變燒燬
剥舡乞援通例成造以甦民困事內稱本開

舡八百隻原限十年爲期例於淮廠造解今值
新運勢不容緩恐稽運務合照通例准先掛造
一百隻其餘二百四十八隻查照舊例仍令淮
廠造解一百八隻江西湖廣各造七十隻又據
空運廳主事林弘衍呈昌密被虜燬泓舡六十二
三隻又加造舡四十一隻共一百四隻以足每
年抽造之數每隻價銀五十七兩五錢其所用
過銀兩俱於各役運過應領腳價內扣除還官
等因四月十三日奉

聖旨是欽此欽遵至六月內該江西巡撫魏鳳翔
爲委官分造剥舡事七月初二日奉

聖旨派行江西剥舡依議委徐紹沆督造着即辦待
僱工如限抵通完日准與紀叙所定期限還着奏
明戶部知道欽此欽遵即呈堂於七月初九日移
咨總漕部院江西巡撫并都察院轉行巡按御
史作速僱工如限抵通續於九月內准總漕
待問咨爲亟催補造剥舡等事內據清江廠
謝光升呈據管廠同知閔名教呈稱

缸原係府造今蒙憲行委厥義不敢辭但其
價惟大料楠木詳蒙前部院蘇茂相批照漕例
開銷各商不苦可以無議若裏料襍木每缸該
用木價一十兩五錢前係淮安府管買未及請
照漕例開銷今商人不肯領銀採買且所買漕
木已照漕價支給若作剥缸開銷錢糧必致虧
折又查得小料油蔴等項原係淮安府委買舉
廠無預案查桐油每斤定價一分四釐廠價一
分七釐目下時價二分三四釐不等黃蔴每斤

定價一分廠價一分四釐五毫今時價一分
八釐不等如桅溜槁櫓人匠工米等項物物騰
貴件件高昂如府委張大經等項料虧折見今
監比無完若不呈明請照時價不但有悞急造
恐又蹈府委之前轍也請乞裁詳漕撫部院施
行等因到司爲照東西兩廠奉文補造漕剥二
舡皆係

王事合用大小料物價值自當照漕一例難以異同
因剥價有虧故有躊躇不敢徑行之議上年府

買各官廚折監比誰敢再試亟宜蚤爲申明以
速舡工但剥價既稱不足市價亦屬過多合無
俯照漕價一例開銷等因到院據此案照新造
剥舡一百八隻其大料一項已經咨明准照漕
例開銷無容說矣其小料一項據稱油蔴桅攪
各樣物值漕價市價原自不同該廠慮恐虧折
故特預爲詳明查今物價騰湧事事稱艱而補
造限嚴時刻難緩若復拘定官價恐商販畏避
欲速返遲欲照市價又難轉加過多該司議據

漕價似爲適中矧百艘之價所加無幾可免
牙推誤既經該司覆酌前來相應咨明煩爲查
照速賜回示庶便勒令興造亦得依期報竣矣
再照剝缸大料向俱用全楠但今楠木採辦甚
艱若一槩取必勢必耽悞合無酌令兼用諸種
木之最堅者蓋各廠漕缸多用襍木而襍木之
價稍廉似當酌用以收速効乞并查酌等因到
部除大料應照漕例開銷外其小料所增無幾
相應允從至大料如果採辦甚難即堅牢襍木

未必不可劑量而權宜用之恐致遷延合即
覆速造去後今查原限秋末冬初已踰一月
應題催案呈到部該臣等看得

國計莫重於漕運而漕務莫急於船隻客冬虜燬
漕船剝船臣部於三月內具疏奉

旨業已移咨總漕轉行淮廠亟行補造漕船九百七
十八隻剝船一百零八隻江西湖廣二省各排
補剝船七十隻并創務關就近先排造一百隻
通糧廳照依舊例令各役補造軍白糧剝船

百五十二隻半俱令星速鳩工上緊排造以
急需今漕舡屢奉

明旨責成興工開兌在即料總漕必自有處置以備
新運矣惟剥舡一項前九月內曾准總漕咨會
酌議物價料值議用堅實襍木似已經興工者
而尚未報竣也又江西撫臣魏照乘題委右布
政徐紹沈監造剥舡亦未完報明歲漕糧抵通
甚早大以剥舡不敷爲憂則淮廠及江廣所造
剥舡原疏曾令秋末冬初解到今已無及不復

不爲展限俱當勒令新春隨各省直漕舡早至
有愆期者臣部申請

明旨即以悞漕之罪罪之其又何詞光陰篤速轉盼
即至是不可不預爲申飭者也至于通廳排造
裡河軍糧剥舡八十四隻白糧剥舡一十五隻
外河石壩剥舡一百一十八隻土壩剥舡六十
隻河西務排造剥舡一百隻兌運廳排造舡
一百四隻今歲造完之後隨即發剥恐有未竟
之工不免有名無寔當令再一整頓容令臣部

委官查驗以爲新運地也既經該司案呈前來
相應題催恭候

命下臣部行文各該衙門一體欽遵施行

崇禎三年十二月二十一日具題本月二十四日奉

聖旨新運期迫剝舡最屬緊要准廠及江廣分造原
限秋末冬初如何此時尚未完解好生怠玩着嚴
行總漕及該撫按星速贖竣以濟急需如愆期悞
運重治不宥其通廳務關排造的該部併行查核
實數若干果否堅整堪用明白具奏欽此

題覆總河部院查叅運河官員疏

題爲遵

旨回奏事雲南清吏司案呈本年十月十六日奉
部送戶科抄出總河部院李若星題前事內稱
河道淺阻地方自小灘抵臨清而至德州係臨
清知州萬戶侯德州衛百戶宋奎耀部司郎中
鄭鳴珂臨清河道係東昌道孔榮宗德州河道
係武德道馮任陞任署印濟南道鄭崇儉兼攝
緣緣十月十四日奉

聖旨河政漕政各有專司運艘淤涸稍延願係
不力豈得以糧運卸責鄭鳴珂孔榮宗馮任鄭崇
儉俱着該部分別酌議具覆萬戶侯宋奎耀并行
懲處李若星如何不蚤查叅屢詰方行覈奏殊屬
玩愒該衙門知道欽此欽遵抄出到部送司查得
八月內該巡漕御史龔一程會同總漕李待問
題爲遵

旨具奏事本月二十四日奉

聖旨據查河南漕糧抵通違限總繇到次愆期

不力其運弁及地方官作何罰治着該部分別議具奏欽此又該總河部院李若星題爲遵

旨回奏事八月二十六日奉

聖旨山東河南糧運違限奉旨詳查到次開幫日期乃全無稽核但憑該道開報盡卸責河官卽河道淺阻又止將瑣弁及去任州官塞責並不指管理部司何人朝廷加意振飭爾等一味護徇法安得行事何繇集李若星還會同該撫按確查另奏欽部知道欽此又該總漕部院李待問會同總河

若星題爲遵

旨具奏事本月初四日奉

聖旨據奏山東漕糧違限雖繇回空到遲亦因兌價
不力這糧官運弁着該部查明分別罰治具奏欽
此又該巡漕御史龔一程會同總河李若星題
爲遵

旨具奏事九月十一日奉

聖旨已有旨了該部卽行查議具奏欽此又該山東
巡撫沈珣會同總河李若星題爲遵

旨具奏事九月十三日奉

聖旨這山東糧運違限已有旨確查另奏撫按提
一方將吏勤惰正宜加意詳核分別勸懲何得輕
徇道議潦草塞責該部知道欽此備查議單該本
部于本年八月內題

准新例回空到次各幫漕船不論山東河南江北江
南浙江江西湖廣俱限十月下旬到次前赴本
處督糧道投驗限單查明呈報撫按知會如預
京通起糧稍遲者查明限單略寬旬日亦不違

出十一月之內如遲至十一月不到者降
級正月不到者降職三級訓衛差操于九月

二日奉

有通行欽遵去後至本月二十三日本部題爲循例
曉別過淮遲速等事二十六日奉

道分別過淮遲速各弁既稱近議單例向未
明姑依擬今後嚴飭新規畫一勸懲不得少徇
此及查舊例每年漕糧俱限十月開倉十二月
終完兌開辦如十二月終有司無糧軍衛無

督糧司道及府州縣掌印管糧官并領運指
千百戶各罰俸半年過正月者各罰俸一年
二月者各降職二級今查各衛所運官在于
部未領之前合無酌于新舊單例軒輊之間
處示懲至查抵通完糧限期已于崇禎二年
二月二十七日奉有

欽依限期山東限二月末旬河南限三月上旬通行
欽遵在案今奉前因相應遵

旨分別具覆案呈到部該臣等看得漕糧係軍

國重務自當如期輪輓運道係

京都血脉尤宜早爲疏通是以凡在漕政河政

小臣工爲勤爲惰不可不分別議處以儆將來

頃查領運山東漕糧各衛運官原限二月末旬

如大河衛指揮徐之鳳淮安衛指揮朱永爵楊

州衛指揮胡日璉通州所千戶李鶴翔鹽城所

千戶梁之桃俱于二月初五等日到次起程

計至三月十五等日抵通計違限半月高郵衛

指揮陳日新徐州衛指揮楊啓東鳳陽中衛指

揮王曰旦濟寧衛指揮劉世應徐州左衛指揮
孫明遠留守中衛指揮陳弘道武平衛指揮
翰如俱于二月十一等日到次起兌開幫至四
月二十等日抵通計違限五十日領運河南漕
糧各衛運官原限三月上旬如臨清衛指揮宋
鵬舉張其道千戶喻國禎孫鳳翔濟寧衛指揮
楊振宗千戶張鳳舉王國永東昌衛指揮陳阿
衡百戶徐振邦平山衛指揮袁德純千戶周尚
文百戶周振邦濮州所千戶劉光胤東平所千

戶表善俱于正月二十七等日到次起程
至三月中旬抵通計違限十日徐州衛千戶
應瑞長淮衛指揮翟鳴鸞百戶周全德天津衛
三衛指揮蔣蓋臣任城衛指揮郭連璧百戶
德政德州衛指揮關左彥百戶晃光照德州左
衛指揮李訓行宿州衛指揮何洪嗣泗州衛指
揮潘惟沐俱于二月十四等日到次起程
至四月中旬抵通計違限一月以上通州左
四衛指揮吳家彥通未到次內除臣部具報

漕巡漕題叅疏內俱因山東河南到次違限
張鳳舉王國永王德政潘惟沐孫鳳翔袁德純
周尚文陳阿衡徐振邦袁善劉光胤孫明遠
蓋臣何洪嗣降職二級宋鵬舉喻國禎楊振宗
劉世廕郭連璧楊啓東蔡應瑞闕左彥晃光昭
李訓行翟鳴鸞周全德降職三級張其道提
吳家彥送問外徐之鳳朱永爵胡曰璉李鶴翔
梁之桃陳日新陳弘道王曰旦馬翰如周振邦
前疏未經查叅今查徐之鳳朱永爵胡曰璉李

鶴翔梁之桃周振邦俱違限半月之內應降職
限一月例降職二級陳日新陳弘道王曰旦馬
翰如俱違限五十日應照違限二月例降職三
級至運艘淤涸攄河臣李若星覆奏查係臨清
德州二處地方臨清河道則屬東昌道孔榮宗
德州河道則屬武德道馮任及署印分巡濟南
道鄭崇儉部司則北河郎中鄭鳴珂也河臣
彼時漕船入鏡已在三月中旬部道諸臣合
脩濬親督輓輸至四月初旬尾幫已盡抵

似若爲諸臣議寬政者但當時雖有督催之功
先時難辭淤涸之責姑念功過相准在鄭鳴珂
孔榮宗量各擬罰俸六個月至馮任則河臣謹
其監督援兵戍守

都城至六月陞任方委鄭崇儉署印河道淤涸係
在三月之內二臣既不在事似應免議至若臨
清知州萬戶侯德州衛百戶宋奎耀俱屬經營
地方疏濬之力不加怠玩之罪奚辭并擬罰俸
一年以警將來者也既經總河李若星總漕查

待問撫臣沈珣等會同具奏前來相應分
請恭候

命下臣部行文各該衙門一體欽遵施行

崇禎三年十一月二十八日具

題十二月初二日奉

聖旨這領運違限各弁既叅酌新舊單例依議徐之
鳳等六員各降職二級陳日新等四員各降職三
級至運艘淤涸河臣何辭息玩鄭鳴珂孔榮宗各
罰俸半年宋奎耀罰一年萬戶侯見任何官是

有俸可罰還查明具奏馮任鄭崇儉姑免究今後
運期違悞定照新例懲處河道淺阻著巡漕御史
卽將管河官指名叅奏不許事後追論彼此諉卸
仍通行漕河該撫按各衙門嚴加申飭欽此

題運弁劉羽侯等曾經屬患平價折抵疏

題爲屬難異苦積欠難完懇乞循例平價蚤結漕

局事雲南清吏司案呈本年十二月初一日奉
本部送准總督倉場本部尚書錢春咨前事內
開准本部咨內開卽查京通二廳所議各弁掛
欠漕糧可否折抵又稱屬變異常請照舊例應
否准從希卽酌議妥確咨覆過部以便具題等
因到部准此查得運官掛欠折抵原有定例後
因欠者日衆遂議增價以杜濫觴相沿亦有年

矣此真砥柱一法也但崇禎二年分運弁
倉遭虜餓其凍糧寄貯狼籍之狀與窖藏
之苦虧損甚多蓋亦遭際之窮非自作之孽
據京通二廳議援舊日四五六折價之例照原
兌稷蒸粟以爲折抵蓋情旣應於寬恤事適合
乎權宜况給軍數復不虧而晒揚僅免五升
耗所餘稍可牽補正不妨暫行以廣

朝廷德意耳至若未遇虜難以前與旣值虜平之後
者自不得比而同之今准前因相應咨覆酌

等因到部奉批酌議已妥卽具題奉此案查本年八月二十四日奉本部送據直隸江廣等處運糧指揮千百戶等官劉羽侯等呈前事內稱卑職等苦遭虜難浩費搬盤展轉虧折更蒙加二收倉較漕例正額每石浮增八升八合以致通漕掛欠粉骨難完冒蠲免之虛名受追賠之實苦加以阻凍三冬露積四次搬盤窖囤虧折又不止此是無欠者致以有欠守法者反不免犯法也伏乞憫念夷難極苦俯循天啓元年

恤凍運題

准平價恩例一體同沾恤難優典萬命更生通漕用
造請查漕運議單輕齎事例每石五錢折價稍
示寬恤開一線之生路苟延犬馬殘喘等因到
部奉批行通糧廳查完欠細數并查從前米價
規則奉此該本司遵即移文通糧廳會查去後
隨據該廳郎中降職戴罪管事丁流芳詳覆內
稱逆奴肆毒材落皆墟各官旗守死河干多方
桿禦且始而奉文掘窖埋藏繼而奉

旨收歛入城展轉搬抗既多稱貸之苦幾番盤剝
多虧折之艱以致無幫不欠迄無完局誠非
乾施欠之比各官援例號呼是誠可憫粵稽漕
例天啓五年以前稟撥蒸粟例以四五六錢折
價及放京軍折色亦係五錢天啓五年京糧
李郎中謂各幫掛欠無杜非重價不足以阻其
折乾之弊故建議將四五六錢之價改增爲六
七八錢及至去年本部以舊欠難完議將七年
以前仍照舊例四五六錢折抵題奉

明旨。在案。又查。去年。被殺。被擄。官旗。燒米。竟。
未經殺擄。而身罹虜患。者。准照。災傷。事例。每。
一石。折銀。五錢。亦奉。

明旨。在案。此。從來。米價。規則。也。今。各。弁。身。罹。虜。患。
中。防護。之。難。折。耗。之。苦。流。離。困。憊。幸。未。殺。傷。
仍。照。新。例。交。欠。縱。盡。法。追。比。勢。必。難。完。或。照。

部題

准舊例。四。五。六。錢。折。抵。或。照。眼。前。身。經。虜。患。并。京。軍。
折。色。之。例。一。槩。准。其。五。錢。折。抵。其。蒸。粟。二。槩。

係下價相應照舊四錢至虜患已前與將來
并均不得藉此爲例總之因時制宜緣情定議
非求減於額中實示寬於額外令各并得以
而易完或又於優恤之中默示鼓舞完糧之
等因到部奉批擬議減價折抵恐難開端京糧
廳覆查確報奉此該京糧廳署郎中事王事實
星覆詳前事內稱查得逋欠難完希與寬減
并常態近日折價補欠原有舊例減之之端
易開乎蒙批恐難開端真慎始慮終之極思也

惟是處驚慌逃竄之時爲搬運窖藏之計
異常搶失無筭各弁賠累之苦實歷年未有
查折價則例天啓五年以前南直浙江粳米每
石六錢江西梭米每石五錢湖廣蒸稻山東河
南粟米每石四錢天啓五年以後京糧廳田
中欲嚴侵欠之罰議增南直浙江粳米每石
錢江西梭米每石七錢湖廣蒸稻每石六錢
山東河南粟米每石五錢今遇難掛欠與侵欠
有不同其尖耗收至加二較往年已增數升其

折抵價銀卽照舊四五六錢亦無不可且各處
當困窮之後高價則阻其樂完之心稍減則
其易完之念又人情所必至者也合無查照
舊制論稭拔蒸粟米色分爲六五四錢職非敢爲
弁開端也在昔掛欠成風之時旣可以更

舊制而加增在今遇變難完之時獨不可以復原制
而仍舊乎且四五六錢之言又非職敢爲臆說
也卷查崇禎二年十月內奉本部劄付該本部
題爲漕糧積欠數多等事內開查掛欠米在

單昔年止給應得鹽羨銀兩令通官照例
上納後因鹽羨不敷買米爲艱不知何時建
每石稻米折銀六錢蒸稻粟米折銀四錢相
已久自天啓五年郎中李長春呈詳改爲每石
稻米折銀八錢蒸稻折銀七錢粟米折銀六錢
意在使人畏法不敢拖欠顧價高則輸將愈難
額浮則官旗失望徒令拖欠愈衆積案愈多亦
未見其長便也今欲追併歷年掛欠勢須折價
低回斟酌似當姑以舊例爲準等因奉此歷年

掛欠難完方且減價六錢若遇難者倣而行之
似未爲過當矣但未遇虜難以前與既遇虜
以後均不得援以爲例等因到部奉批仍移
督部查議奉此隨即備咨督部會酌去後今准
咨覆前因相應具題案呈到部該臣等看得
糧之改本而折也原爲久遠設法折色之增價
而行也尤爲狡弁立防至于變出非常事經
見如崇禎二年奴虜遶禍尤垂憐此漕粟至
耽矣其運弁千驚萬恐搬運盤剝但得寄

區安問鼠雀之耗權爲審藏之計竟同米價
苦糜費不貲窘迫堪憫宜指揮劉羽侯等之
曉有減價折抵之請也及查歷來米價規則
啓五年以前粳米六錢梭米五錢蒸稻粟米
錢成則昭然後因侵欠浩繁槩思改折始極
廳李長春議各米議增一錢行之已數年矣
劉羽侯等因撥款多番虧損實甚呈乞比擬
例折納情似宜恤且貯庫以給待哺之軍數
不縮而議增耗以抵補晒揚額復取盈似當

照舊例四五六錢折納免其增加及查崇禎
年八月內臣部以積欠數多曾經疏

請仍照四五六錢折納以異力完風逋又本年剥
漕米被虜患蹂躪者亦折價以五錢爲率今議
正同前請尤難岐視仰祈

皇上俯賜

俞允暫准追納銷筭以廣

朝廷優恤運弁

德意亦浩蕩之

殊恩也其未經虜之前與虜既退之後不得援以

例既經督臣咨議與京通二廳詳酌前來相

題

請恭候

命下臣部行文各該衙門一體欽遵施行

崇禎三年十二月十一日具

題本月十五日奉

聖旨這運弁劉羽侯等虧減漕糧據奏實經虜患
剝耗損非有侵欠別情姑依議遵照舊例平價

抵即着速償全完毋得仍前拖玩其未經房
前與將來欠并俱不許藉口援例該衙門知道
此

遵 旨回奏知州萬戶侯無俸可罰疏

題爲遵

旨回奏事雲南清吏司案呈本年十二月初四日奉
本部送戶科抄出該本部題覆總河李若星
覆地方部司各道州衛等官鄭鳴珂等淤涸
道併議河南山東違限運弁徐之鳳等各罰俸
降職緣繇本月初二日奉

聖旨這領運違限各弁既參酌新舊單例依議徐之
鳳等六員各降職二級陳日新等四員各降職三

級至運糧於涸河臣何辭怠玩鄭鳴珂等
罰俸半年宋奎耀罰一年萬戶侯見任何官
有俸可罰還查明具奏馮任鄭崇儉姑免究今
運期違誤定照新例懲處河道淺阻着巡漕御史
卽將管河官指名叅奏不許事後追論彼此該
仍通行漕河該撫按各衙門嚴加申飭欽此欽遵
抄出到部送司查得本部題覆運弁徐之鳳
部司鄭鳴珂等俱經奉

旨處分已行吏兵工三部并總漕總河巡漕及各

撫按欽遵查照嚴加申飭外其臨清知州萬
侯前擬罰俸奉有

明旨詰問相應咨會吏部確查有無見任酌議具
隨經案呈移咨吏部會查去後續准回咨前奉
內開查得臨清州知州萬戶侯于崇禎三年
月內該撫按代題患病該本部議覆將本官
令致仕本年九月二十日奉

聖旨是欽此等因咨覆到部轉送到司相應遵
旨據實具奏案呈到部該臣等看得

國家有常法怠若事而罰不容輕事
爲核而言始無誤今河南山東各運并違限
臣等酌新舊之例議降罰之條已蒙

皇上賜允處分而河淺阻運究及地方官事諸臣
臨清部司鄭鳴珂道臣孔榮宗衛弁宋奎耀
部擬議均以薄罰示儆亦旣徼

聖明寬政矣惟知州萬戶侯罰俸一節臣等只據
臣李若星回

奏原疏萬戶侯亦在應罰之中遂未及次

徑爾冒昧具題併擬罰俸一年茲蒙

明旨下誥臣不勝驚懼無措及行吏部咨查而

果謂萬戶侯已奉

旨致仕矣既已休致何俸可罰此

皇上明燭毫芒而臣之愚昧疎畧真百喙無以自

也萬戶侯似應免議臣謹惶悚待罪據實冊

奏伏望

皇上少加垂宥恭候

命下臣卽行文各該衙門一體欽遵施行

奏議

雲南司

崇禎三年十二月二十五日具

題崇禎四年正月初七日奉

聖旨萬戶侯既經致仕姑免再議該司官不行查
本當罰治今據河臣原疏姑不究該部知道欽此

題請通州修築閘壩工部照例協濟疏

題爲錢糧匱乏堪虞乞

勅按例通融共佐時艱以襄

國計事雲南清吏司案呈本年十月三十日奉本部送准工部咨爲漕糧剝運將竣閘壩興工難緩等事內稱該本部題前事等因十月二十三

日奉

聖旨這修補閘壩木料既經會估依議動支輕資庫課二項銀兩集料鳩工作速竣事近來辦納物料

每與原估數目多不相符虛冒價值無裨實用
該司及巡視各官逐一驗量覈數給價無蹈前弊
亦不得預支滋耗該衙門知道欽此咨煩查照給
發辦料鳩作等因到部送司查得輕賞銀兩恭
奉

明旨務節省贏餘以圖可繼毋但隨到隨發有同漏
卮在卷近除供應完糧之外餘亦無幾今工部
咨發辦料價值銀三萬兩恐輕賞有限應與蘆
課並支者且先經本部動支過銀八千六百四

十餘兩備辦灰石等料不識應于三萬內扣除
否也一咨工部會議一劄通廳查核去後又該
戶科抄出工部復題爲閘壩圯壞不堪漕政將
至決裂請乞急宜修建以裨

國計事等因十一月二十九日奉

聖旨閘壩關係轉漕修築豈容遲緩乘此沍寒亟宜
庀材集具專待春月作速竣工以濟新運着該部
卽行嚴飭這奏內發銀辦料等項責成部司各官
俱依議有違玩的指名叅來該衙門知道欽此欽

遵除一面發銀一萬兩連前次共發銀一萬
千六百四十餘兩庀材集具外又據通糧廳
中降級戴罪營事丁流芳呈稱奉本部批三
五年既有修理閘壩戶七工三舊例要見彼時
用銀若干戶工各出銀若干今歲本部除先發
灰石物料銀八千六百餘兩外又欲動支木料
工作銀三萬兩將無作法于奢乎原估有無
冒仍會同查確備繇呈報蒙此該職查得二十
九年前任朱郎中大修閘銀三千三百七

兩九錢一分六厘七毫比照三十五年修理閘
壩舊例工部出給三分銀一千一十一兩八錢
七分五厘一系本部出給七分銀二千三百六
十一兩四分一厘六毫九絲在案但查先年之
修所費僅三四千金今所估數多至三四萬兩
何以大相懸殊合再會查隨經移文工部通惠
河卽中董中行查覆去後今准回文前來該職
廳查得修建閘壩原以利漕在昔年歲時小損
工小費省議在扣省銀內動支誠非無據顧三

十五年及三十九年兩次大修雖比歲時之
修工程較大亦非若今年大拆重修之大費也
彼時戶七工三之例雖未經題

請然確有已行之案今奉劄查職廳不能不據實以
報舉昔推今例自可比但工部分司以三七之
議互相爭執推諉發銀若再爭執遲疑恐悞

欽限深屬未便合無先請給發木價銀兩待工完
前後銷算亦不妨先發而徐議者也土作之工
難以預定統俟工有次第方可按日計籌若其

中有無浮冒乃工部估計前來職廳尚未經
各無移咨工部再爲詳核而監督各司諒必同
心協力共爲清汰等因又據該廳下流芳呈奉
本部劄查原估修理文冊隨移文通惠河郎中
董中行續准四稱查得各閘壩根基應用地釘
椿木松板葦草本司照原估冊內應用數目呈
請本部而團員丈尺應用價值奉本部堂批司
移會科院所照會估出給折筭題

請若云有無浮濫案查奉本部堂劄付內開原估木

價合于四萬二千九十七兩內先酌給銀三萬兩俟會收丈量後找給則本部原題疏內已先嚴其濫觴矣三萬之給本司無復再議其估計木料價值本司向不與聞無憑開會復奏有着該司及巡視各官逐一驗量核數給價之

旨則有無浮濫當于會收之日嚴爲丈量酌裁銷算可也各等因到部送司奉批該司查核具題奉此又奉本部送准工部咨文爲開墾興工期迫木價屢請候時再懇速咨給發料銀以裨商辦

免悞急工等事奉批司查再發五千兩入甌
題奉此該本司查得漕政雖隸本部而河工
隸水衡責任自分屬也今以修閘壩而議及
賁固爲有例可援業經本部酌量緩急三次
發銀二萬三千六百四十餘兩矣無奈輕賁有
限軍餉日增而戶七工三又有往例可援且如
修倉工部事也先年京倉每歲額修三十六座
至萬曆三十五年議減一十二座迨天啓元年
本部移文工部當年停修一次計該銀一萬有

可隨准該部咨將本部應還軍夫米銀二千
百二十餘兩及山西司應分事例銀七千兩
扣抵還姑以是年爲例則前此應還本部者
殊不貲天啓元年後又減修一十二座自天啓
二年以來迄今九年姑以天啓三年分工科抄
叅爲準合用物料等項每年計該銀六千九百
九十餘兩以九年共筭尚欠本部應得銀六萬
餘兩矣今除發過修閘銀兩姑竣工完另筭外
所有該部原派未敷銀兩似應比照往例于修

倉銀內扣抵亦事理之固然無容再計者也
應題

請將因案呈到部該臣等看得開墾爲漕運咽喉
作雖隸工部實爲臣部飛輓計向來小修工程
亦有取給臣部扣省者豈至今日大修而臣部
敢慳吝不與哉但查此番大修原無舊例可稽
一切估計俱隸工部爲政臣部殊惴惴焉不勝
濫觴之懼且輕資爲倉漕正項其繁費載在議
單但有餘剩用充軍餉近復奉

旨申飭務期節省贏餘以圖可繼則一切支銷臣部
又何敢不兢業鄭重也此因該部遵奉

屢旨刻期鳩工臣部誼切同舟三次共發銀二萬三
千六百四十餘兩及查該部二次會估數驗五
萬輕資蘆課并奉

明旨今查該部咨文謂蘆課歲止五千除支費外所
給葦草價銀不過三百五十兩豈五萬餘金能
應責之臣部耶若照三七分認臣部所少者爲
數亦不多矣再查會估冊內載開石併地平板

止有長濶尺寸而無厚薄尺寸地釘椿木亦止
有根丈數目而無圍圓數目誠以厚薄大小數
難一槩取必姑俟臨時查照給價該部已有議
慮但今次大修可十倍於三十九年恐就此三
萬內已有冒濫則覆水難收矣此中不妨從長
計議再作銷筭及查

聖旨所云近來辦納工料加與原估數目不符虛具
價值無裨實用又云着該司及巡視各官逐一
驗量覈數給價無踰前獎亦不得預支滋耗

聖明玄覽蓋已洞若觀火矣今應如卽中董中行
於會收日遵

旨逐一驗量酌裁銷筭倘其中原估有浮額者一
扣省則前項已發之銀恐猶未必一二用盡也
况查修倉一事向有成例卽以該部數年來之
省存照抵臣部工料或亦事理之應得而非臣
部之過求乎漕運重務修河急工若不據實陳
請萬一時日稽遲該部必謂臣部誤之矣或有謂
工料之罪臣部又與該部均之矣此臣展轉商

度而不能默默已也伏祈

聖明裁斷照戶七工三之舊例尋汰冗節浮之長

臣部行文各衙門一體遵奉施行

崇禎三年十二月二十七日具

題本月三十日奉

聖旨據奏修築閘壩銀兩戶七工三原有成例并稱
停修倉銀可以扣抵是否確議着卽會同工部酌
定合疏速奏勿得彼此推諉致誤急工至驗料稽
程着該管司官及巡視官遵旨着實料理務令

江堅完日核數具奏該衙門知道欽此

查奏漕糧及永折災折數目疏

題爲遵

旨查奏漕糧并永折災折數目事雲南清吏司案據
九月二十九日奉本部送戶科抄出該本部題
前事內于九月二十一日恭接

聖諭每年漕糧四百餘萬其中永折災折若干係
地方因何折起折銀若干着戶部查奏欽此欽遵
傳奉到部送司遵卽稽查案呈具奏等因九月

二十七日奉

有前旨着查永折災折便

折便開地方緣繇事

如何含糊不明且既有每年字樣何只以今年

糧抵塞還着逐款分行明奏欽此欽遵抄出到

送司查得漕糧中永折災折地方緣繇事

南湖廣等各司隨即移付河南湖廣山東四

等司細查去後今准湖廣等司查明四付前

各等因到司相應逐款分行具奏案呈到部

臣等看得漕運糧儲四百萬就中改折三十

萬七千四百餘石在山東河南者繇來已久

在

會典蓋因各地方有陸路遼遠不便水次兌解
從改折之例耳至于蘇州之改折則因嘉靖
產花而不產米也湖廣泗州興化安東之改折
則因地方之凋瘵而寬貸也凡此皆永折之
也至于災折之事遠不具論自天啓元年至
年如鳳陽等府如楚越等省皆以東南澤國
旱不常各撫按因災傷之輕重定折數之多寡
臣部覆而行之習爲固然近日臣等仰體

上慎重軍儲之意自非異常然不難
故崇禎二年惟睢寧一縣有之爲數不多
他縣未之許矣卽有水淹無糧者如桃源縣
議開釋米三千三百六十三石五斗一升九
八勺亦見在駁查矣總之漕糧原足軍用但
飛輓及時積貯日富加以每歲放折如期自
無憂不給至于同一漕折而賦額有輕重取
有多寡先是巡倉御史宋師襄條陳欲將天
漕折通行查議其未及七錢者俱酌量加增

移行撫按商確卒率于群議而止蓋人情咸
於仍舊而難于加額夫亦極重難返之勢民
可念之情有不得不然者也今奉細開永折
折地方銀糧數目之

旨勒令各司遵將省直備細簡查每年永折災折
銀數目逐款分行開列以便具奏以副

明旨恭候

聖明裁奪遵奉施行

計開

永折漕糧通共三十二萬七千四百七十五石零共折銀二十二萬五千四百七十五錢零

湖廣永折糧三萬七千七百三十四石七斗內每石折銀七錢共折銀二萬六千四百一十四兩二錢九分

山東永折糧七萬石內以五萬石每石折銀八錢以二萬石每石折銀六錢共折銀四萬一千四百五十五兩一錢三分

因濱州霪化二縣災疲減折銀五百兩
四兩八錢六分六厘

河南永折糧七萬石內以五萬石每石折
八錢以二萬石每石折銀六錢共折銀
萬二千兩

南直蘇州府嘉定縣永折糧一十萬六千四
百九十二石六斗九升零內正兌米一十
萬七十五石六斗三升五合每石折銀
錢改兌米六千四百一十七石六升三

每石折銀六錢共折銀七萬三千

兩一錢一分零

鳳陽府泗州永折糧八千五百七十石

每石折銀五錢共折銀四千二百八十

兩一錢五分

揚州府興化縣永折糧二萬石每石折銀五

錢共折銀一萬兩

淮安府安東縣永折糧一萬四千七百石

每石折銀五錢共折銀七千三百五十兩

又節年災傷改折糧銀數目

天啓元年分

湖廣撫按題報所屬旱蝗災傷議請漕糧
鮮本部覆

准該省災折糧一萬九千八十五石四升每石折
五錢共銀九千五百四十二兩五錢二分

又鳳陽等府撫按題報各府屬水患議請
糧折鮮本部覆

准鳳陽府災折漕糧四萬七千四百六十八石

九升每石折銀五錢該銀二萬三千

三十四兩三錢四分五厘

淮安府災折漕糧八萬九千四百五十石

石折銀五錢共銀四萬四千七百二十

兩

揚州府災折漕糧一萬八千五百四十石

六斗二升每石折銀五錢共銀九千三百

七十一兩八錢一分

徐州災折漕糧四萬八千石每石折銀五

共銀二萬四千兩

天啓二年分

淮安府屬地方積災復遭水患該撫按議

漕糧折解本部覆

淮災折漕糧四萬二百六十八石每石折銀五錢

銀二萬一百三十四兩

天啓三年分

鳳陽等各府該撫按題報地方疊災水旱

蝻議請漕糧折解本部覆

江蘇賑務總局奏為 欽此
江蘇賑務總局奏為 欽此

升每石折銀五錢共折銀一萬五千

五十五兩二錢七分五厘

淮安府災折漕糧八萬九千四百五十石

石折銀五錢共銀四萬四千七百二十五兩

兩

揚州府災折漕糧五千六百六十七石

每石折銀五錢共銀二千八百三十三兩

八錢五分

徐州災折漕糧四萬八千石每石折銀五
共銀二萬四千兩

天啓四年分

應天撫按題報江南水災議請漕糧折解

部覆

准漂陽等十一縣災折漕糧三分之一米三萬三千
二百六十六石內以一萬五千六百八
六斗八升二合五勺每石折銀六錢共
九千三百六十五兩二錢九厘五毫外

餘米一萬七千六百五十七石三斗二升
七合五勺每石折銀六錢五分共銀一萬
一千四百七十七兩二錢五分六厘三毫
七絲五忽

蘇松常鎮四府災折漕糧三分之一米三十
六萬六千八百一十九石內以二十五萬
八千二百九十六石九斗九升四勺每石
折銀六錢共銀一十五萬四千九百七十
八兩一錢九分四厘二毫四絲其餘米一

十萬八千五百二十二石九合六勺每石
折銀六錢五分共折銀七萬五百三十九
兩三錢六厘二毫四絲

又浙江撫按題報異常水災議請漕糧折解
本部覆

准杭嘉湖三府災折漕糧二十一萬內以兌支江西
南糧一十三萬六千石外其餘七萬四千
石每石折銀六錢五分共銀四萬八千二
百兩又海寧於潛海鹽二縣災折糧三萬

六千三百五十五石五斗三升每石折銀六錢
五分共銀二萬三千四百二十一兩七錢
九分五厘

天啓五年分

鳳陽撫按題報海州徐州水旱蝗蝻議請漕
糧折解本部覆

淮淮安府屬併徐州災折糧二萬四千七百七十八
石每石折銀六錢共折銀一萬四千八百
六十六兩八錢

天啓六年分

淮揚巡按題報各屬異旱異水災傷議請蠲
糧折解本部覆

准淮安府災折糧二萬一千一百三十二石三斗六
升內海州桃源共折糧一萬八十石九斗
每石折銀六錢五分共折銀六千五百五
十二兩五錢八分五厘其邳清宿睢鹽五
縣共折糧一萬一千五十一石四斗六升
每石折銀七錢共折銀七千七百三十八

兩二分二厘

鳳陽府災折糧三千二十一石八合內臨淮
縣折糧八百八十一石五斗每石折銀七
錢共銀五百六十八兩五分其盱眙等七
縣折糧二千二百九石五斗八合每石折
銀八錢共折銀一千七百六十七兩六錢
六厘

揚州府災折糧一萬六千五百四十四石九
斗八升六合內興化等四州縣折糧一萬

五千四百一十八石五斗八升六合每石
折銀八錢共銀一萬二千三百三十四兩
八錢六分八厘八毫

徐州災折糧五千九百八十石八斗每石折
銀七錢共銀四千一百八十六兩五錢六
分

又河南撫按題報水荒災傷議請漕糧折解
本部覆

淮尉氏等縣災折糧一萬五百七石八斗八升每石

折銀七錢共銀七千三百五十五兩五錢
一分六厘

崇禎二年分

淮揚巡按題淮安府睢寧縣水災潰邑溺民

題

准部覆睢寧縣災折糧三百三十石每石折銀七錢
共銀二百三十兩

崇禎三年十二月二十八日具

題崇禎四年正月初五日奉

聖旨這查奏漕糧永折災折地方數目緣繇知道了
內永折一項銀數多寡參差係何緣故是否確規
還着各該撫按查酌具奏欽此